

Canllawiau ar Ganabidiol (CBD)

Canllawiau i fusnesau ar ganabidiol (CBD) fel bwyd newydd.

Mae CBD yn un o lawer o gemegion a elwir yn ganabinoidau (cannabinoids). Mae i'w gael mewn cywarch (hemp) a chanabis, a gellir ei gynhyrchu'n synthetig.

Gellir cael echdyniadau (extracts) CBD o'r rhan fwyaf o rannau planhigion canabis neu gywarch. Gellir eu hechdynnu'n ddetholus, gan ddarparu crynodiad CBD. Gall rhai prosesau newid cyfansoddion cemegol eraill.

Statws CBD fel bwyd newydd

Cadarnhawyd statws CBD fel bwyd newydd ym mis Ionawr 2019. Mae hyn yn golygu bod echdyniadau ('extracts') CBD, unigion ('isolates') CBD (hynny yw, CBD wedi'i buro'n helaeth), cynhyrchion synthetig CBD, ac unrhyw gynhyrchion sy'n cynnwys un o'r rhain, yn cael eu dosbarthu fel bwydydd newydd.

Ac felly, gan fod cynhyrchion bwyd CBD yn cael dosbarthu fel bwydydd newydd, rhaid eu hawdurdodi cyn y gellir eu gwerthu'n gyfreithiol yn y DU.

Ar hyn o bryd, nid oes unrhyw echdyniadau nac unigion CBD sydd wedi'u hawdurdodi fel bwydydd newydd.

Bwydydd nad ydynt yn newydd sy'n deillio o gywarch

Nid yw'r cynhyrchion bwyd canlynol yn cael eu dosbarthu fel rhai newydd oherwydd bod hanes profedig o'u bwyta:

1. Hadau cywarch – mae hyn yn cynnwys olew hadau cywarch, hadau cywarch wedi'u malu, a hadau cywarch wedi'u dadfrasteru'n rhannol.
2. Trwyth d?r o ddail cywarch, lle nad oes topiau wedi'u blodeuo a'u ffrwytho arnynt, sy'n cael eu defnyddio fel y mae neu fel rhan o drwythau perlysiau.

Bwydydd newydd sy'n deillio o gywarch

Mae'n debygol y bydd cynhyrchion sy'n deillio o gywarch – heblaw'r rhai a nodir uchod – yn cael eu hystyried yn fwydydd newydd, oni bai y gellir dangos eu bod wedi cael eu defnyddio i raddau helaeth yn yr UE ers cyn 15 Mai 1997. Diffinnir hyn o dan Reoliad a gymathwyd (UE) 2015/2283 (Rheoliad 2015/2283 ar gyfer Gogledd Iwerddon).

Mae cynhyrchion a wneir drwy echdynnu CBD yn ddethol o unrhyw ran o'r planhigyn cywarch yn cael eu hystyried yn echdyniadau CBD, ac felly'n cael eu dosbarthu fel bwydydd newydd. Os caiff y rhain eu hychwanegu fel cynhwysyn at unrhyw gynnyrch arall, bydd y cynnyrch hwnnw hefyd yn cael eu dosbarthu fel bwydydd newydd.

Ceisiadau ymgynghori am statws ‘bwyd newydd’

Mae'n ofynnol i fusnesau bwyd wirio a yw bwyd y maent yn bwriadu ei roi ar y farchnad yn un newydd. Os oes amheuaeth, rhaid iddynt gyflwyno [cais ymgynghori](#) (a elwir hefyd yn gais Erthygl 4) cyn iddynt allu rhoi'r cynnyrch ar y farchnad. Mae'r weithdrefn hon yn gofyn am dystiolaeth i ddangos hyd a lled ei hanes fel y gall yr ASB benderfynu a yw'r bwyd yn newydd ai peidio.

Ar gyfer busnesau bwyd yng Ngogledd Iwerddon, mae ceisiadau ymgynghori ar gyfer statws bwyd fel un newydd yn cael eu hasesu gan y Comisiwn Ewropeaidd.

Gwneud cais am awdurdodiad

Mae'n rhaid i fusnesau bwyd [wneud cais i awdurdodi echdyniadau CBD, unigion CBD a chynhyrchion cysylltiedig](#) i'w rhoi ar farchnad Prydain Fawr gan ddefnyddio ein [gwasanaeth gwneud cais i awdurdodi cynhyrchion rheoleiddiedig](#).

Yn y rhan fwyaf o achosion, yr ymgeisydd fydd y gweithgynhyrchwr, ond gall cyrff masnach a chyflenwyr eraill wneud cais hefyd.

Unwaith y bydd cynhwysyn CBD wedi'i awdurdodi, mae'r awdurdodiad hwnnw'n gymwys i'r cynhwysyn hwnnw yn unig. Mae hyn yn golygu defnyddio'r un dulliau cynhyrchu manwl, ar gyfer yr un defnyddiau yn union ag a ddisgrifir yn yr awdurdodiad, a defnyddio'r un sylfaen dystiolaeth ar gyfer diogelwch.

Os yw bwyd newydd wedi'i awdurdodi a'i ychwanegu at y rhestr yn seiliedig ar ddata gwyddonol perchnogol neu wybodaeth sydd â chaniatâd diogelu data, caniateir iddo gael ei roi ar y farchnad gan yr ymgeisydd yn unig, a hynny am gyfnod o 5 mlynedd.

Canllawiau ar gyfer gwneud cais

Mae angen i chi wneud cais i awdurdodi eich echdyniadau a'ch unigion CBD gan ddefnyddio'r weithdrefn ar gyfer [ceisiadau llawn am fwydydd newydd](#).

Mae ystyried diogelwch y cynnyrch yn rhan bwysig o unrhyw gais am CBD fel bwyd newydd. Heb wybodaeth o'r fath, na chyfiawnhad dros yr oedi cyn darparu'r wybodaeth angenrheidiol, ni fyddwn yn gallu dilysu cais.

Nid yw bodloni'r safon ddilysu yn golygu y bydd y cynnyrch o reidrwydd yn cael ei awdurdodi. Bydd pob cais yn cael ei ystyried yn ôl ei rinweddau ei hun. Dim ond wrth gynnwys gwybodaeth am ddiogelwch sy'n uniongyrchol berthnasol y bydd ceisiadau'n gallu symud yn eu blaen ac, o bosib, gael eu hawdurdodi.

Gwybodaeth wenwynegol

Yn dilyn y data ychwanegol a ddarparwyd i gefnogi awdurdodiadau bwyd newydd, dim ond ar gyfer cynhwysion CBD â mwy na 98% o CBD y dylid cynhyrchu data pellach yn sgil astudiaethau anifeiliaid. Ni allwn dderbyn gwybodaeth lenyddol yn unig ar gyfer agweddau gwenwynegol y cais. Yn ogystal, ni allwn ddefnyddio gwybodaeth o un cais am fwyd newydd er budd ymgeisydd arall heb ganiatâd perchennog y data. Er mwyn lleihau'r defnydd o anifeiliaid, rydym yn annog ymgeiswyr, lle bo'n berthnasol, i ddefnyddio'r setiau data presennol a gynhyrchwyd.

Dylai data a gynhyrchir i gefnogi ceisiadau bwyd newydd fod ar ddeunydd prawf perthnasol sy'n adlewyrchu cyfansoddiad y bwyd newydd sy'n ceisio awdurdodiad. Dylid cynhyrchu data hefyd

yn unol â dulliau gwenwynegol a gydnabyddir yn rhyngwladol fel [protocol OECD TC 408](#).

Mae'r [datganiad gan yr ACNFP a COT](#) yn amlinellu sawl maes lle gellid cynhyrchu data ychwanegol a sut y gallai hyn lywio'r wybodaeth am ddiogelwch CBD. Rydym yn annog ymgeiswyr sydd am gynhyrchu data i ystyried y bylchau hyn yn y data a, lle bo modd, ddefnyddio dulliau safonol. Pan fo data newydd yn cael ei gynhyrchu, rydym yn annog ymgeiswyr i weithio ar y cyd i wneud y mwyaf o'r wybodaeth a gynhyrchir.

Canllawiau i Ogledd Iwerddon

Yng Ngogledd Iwerddon, mae cynhyrchion bwyd CBD yn fwydydd newydd heb eu hawdurdodi. O dan gyfraith yr UE, mae angen awdurdodiad ar gynhyrchion bwyd CBD cyn y gellir eu rhoi ar y farchnad, yn unol â [Rheoliad 2015/2283](#).

Nid yw'r Comisiwn Ewropeaidd hyd yma wedi awdurdodi unrhyw gynhyrchion bwyd CBD fel bwydydd newydd ar gyfer marchnad yr UE, felly nid oes unrhyw gynhyrchion bwyd CBD awdurdodedig ar y farchnad yng Ngogledd Iwerddon ar hyn o bryd.

Dylai busnesau sy'n ceisio rhoi eu cynhyrchion ar farchnad Gogledd Iwerddon ddilyn rheolau'r UE a phroses awdurdodi'r Comisiwn Ewropeaidd. I gael canllawiau ar ddechrau'r broses hon, ewch i [wefan EFSA](#).

Gellir dod o hyd i wybodaeth am fwydydd newydd sydd wedi'u hawdurdodi i'w gwerthu yn yr UE a Gogledd Iwerddon ar hyn o bryd yn [Rhestr Bwydydd Newydd yr UE](#). Gellir defnyddio [Catalog Statws Bwyd Newydd yr UE](#) hefyd i chwilio am statws cynhyrchion penodol.

Bydd nwyddau bwyd-amaeth manwerthu sy'n symud trwy Gynllun Symud Nwyddau Manwerthu Gogledd Iwerddon (NIRMS) yn gallu bodloni gofynion iechyd cyhoeddus Prydain Fawr fel y nodir mewn deddfwriaeth, gan gynnwys mewn perthynas â bwydydd newydd. Mae NIRMS yn berthnasol i nwyddau bwyd-amaeth manwerthu wedi'u pecynnu ymlaen llaw y mae'n fwrriad iddynt gael eu gwerthu i ddefnyddwyr terfynol. Felly, bydd bwyd newydd sydd wedi'i awdurdodi yng Nghymru, Lloegr neu'r Alban yn gallu symud i Ogledd Iwerddon drwy NIRMS. Gellir dod o hyd i restr o'r rhain yn y [gofrestr o fwydydd newydd](#).

Cynhyrchion bwyd CBD sy'n gysylltiedig â cheisiadau bwyd newydd

Mae'r rhestr o gynhyrchion CBD sy'n gysylltiedig â cheisiadau bwyd newydd yn cynnwys cynhyrchion bwyd CBD sy'n bodloni'r meini prawf canlynol:

- roedd y cynhyrchion ar y farchnad adeg ein cyhoeddiad ar CBD (13 Chwefror 2020)
- daeth cais am awdurdodiad ar gyfer y cynhyrchion i law erbyn 31 Mawrth 2021
- gwnaethom ddilysu'r cais neu gytuno ei fod yn symud yn ei flaen yn ddigonol tuag at gael ei ddilysu

Dylai pob cynnyrch CBD gydymffurfio â gofynion deddfwriaethol eraill ac ni ddylent fod:

- wedi'u labelu'n anghywir
- yn anniogel
- wedi'u hystyried yn sylweddau a reolir

Rhaid tynnu unrhyw gynhyrchion nad ydynt yn ymddangos ar y rhestr neu sydd wedi'u nodi fel rhai sydd wedi'u 'Dileu' oddi ar y farchnad.

[Mwy o wybodaeth am gynhyrchion CBD sy'n gysylltiedig â cheisiadau bwydydd newydd](#)

Chwiliwch drwy'r Gofrestr o Gynhyrchion CBD sy'n gysylltiedig â bwyd newydd

[Rhestr o gynhyrchion CBD sy'n gysylltiedig â cheisiadau bwyd newydd](#)

Mae'r rhestr hon yn gymwys i Gymru a Lloegr yn unig. Mae mwy o wybodaeth am gynhyrchion CBD yng Ngogledd Iwerddon yn ein [canllawiau CBD ar gyfer Gogledd Iwerddon](#). Safonau Bwyd yr Alban sy'n gyfrifol am [reoliadau bwyd newydd yn yr Alban](#).

Cynhyrchion bwyd CBD eraill

O ddyddiad ein cyhoeddiad (13 Chwefror 2020) ymlaen, ni ddylai unrhyw echdyniadau CBD, unigion CBS na chynhyrchion terfynol cysylltiedig newydd sy'n defnyddio'r cynhwysyn newydd hwn, gan gynnwys brandiau newydd a chynhyrchion label gwyn, gael eu rhoi ar y farchnad nes bod ganddynt yr awdurdodiad angenrheidiol. Nid yw cais wedi'i ddilysu yn ddigonol i roi cynhyrchion newydd ar y farchnad. Rydym yn disgwyl i unrhyw gynnyrch CBD arall nad yw wedi'i nodi ar y rhestr gael ei dynnu'n ôl yn wirfoddol. Awdurdodau lleol sy'n gyfrifol am orfodi, a gallant dynnu'r cynhyrchion hyn oddi ar y farchnad os na chaiff cynhyrchion eu tynnu'n ôl yn wirfoddol.

Mae gwybodaeth fanwl am geisiadau cynhyrchion CBD annilys ar ein [tudalen ceisiadau awdurdodi CBD annilys](#). Yng Nghymru a Lloegr, cynigir mai dim ond y cynhyrchion hynny sydd ar y [rhestr o geisiadau cynhyrchion CBD cysylltiedig â bwyd newydd](#), ac sydd wedi'u nodi fel rhai sy'n aros am dystiolaeth neu ddilysiad, fydd yn aros ar y farchnad, a hynny wrth aros am benderfyniad ar awdurdodiad.

Diogelwch cynhyrchion CBD

Rydym wedi cyhoeddi [cyngor i ddefnyddwyr ar ddefnyddio CBD](#) ar gyfer oedolion iach a grwpiau agored i niwed.

Dylai'r rheiny sy'n gwerthu CBD fod yn ymwybodol o'r wybodaeth hon, a dylent allu rhoi gwybod i ddefnyddwyr beth yw'r dos uchaf dyddiol a argymhellir ar gyfer oedolion iach. Fel mesur rhagofalus, nid ydym yn argymhell CBD ar gyfer pobl mewn grwpiau agored i niwed, oni bai eu bod wedi cael cyfarwyddyd meddygol i'w gymryd. Mae hyn yn cynnwys plant (rhai dan 18 oed), pobl sy'n cymryd unrhyw feddyginiaeth, y rhai sy'n ceisio beichiogi a'r rhai sy'n feichiog neu sy'n bwydo o'r fron.

Tystiolaeth newydd ynghylch defnyddio CBD yn ddiogel fel bwyd

Ers i'r rhestr gael ei rhoi ar waith, mae'r Pwyllgor Cynghori ar Fwydydd a Phrosesau Newydd (ACNFP) a'r Pwyllgor ar Wenwyndra (COT) wedi cyhoeddi datganiad ar y cyd mewn perthynas â'r [cymeriant dyddiol derbyniol dros dro ar gyfer CBD mewn bwydydd](#), a'r [terfyn uchaf diogel ar gyfer tetrahydrocannabinol Delta-9 \(?9-THC\)](#).

Pwysig

Yn dilyn yr asesiadau diogelwch a'r cyhoeddiadau hyn, ac er mwyn diogelu defnyddwyr cymaint â phosib, rydym yn annog yn gryf bod pob gweithredwr busnes bwyd CBD yn gwneud y newidiadau angenrheidiol i gynhyrchion presennol i adlewyrchu'r cyngor newydd. Gellir cyflawni hyn drwy leihau crynodiad cynhyrchion CBD, i fod ar neu islaw'r cymeriant dyddiol derbyniol o **10mg/dydd ar gyfer CBD** a'r terfyn uchaf diogel o **70 µg/dydd ar gyfer ?9-THC**. Bydd hyn yn helpu defnyddwyr i beidio â mynd dros y terfynau dyddiol hyn.

Cyngor i fusnesau ar y rhestr o gynhyrchion CBD sy'n gysylltiedig â cheisiadau bwyd newydd

O ddyddiad ein cyhoeddiad ymlaen ([13 Chwefror 2020](#)), cyngor presennol yr Asiantaeth Safonau Bwyd (ASB) yw na ddylid rhoi ar y farchnad unrhyw echdyniadau CBD (extracts), unigion CBD (isolates) na chynhyrchion terfynol cysylltiedig newydd sy'n defnyddio'r cynhwysyn newydd hwn, gan gynnwys brandiau newydd a chynhyrchion label gwyn, nes bod ganddynt yr awdurdodiad angenrheidiol. Argymhellwyd y dylid caniatáu cynhyrchion sydd eisoes ar y farchnad, gan adael iddynt barhau i fod ar gael os ydynt yn gysylltiedig â chais byw credadwy am awdurdodiad. Rhoddwyd cynhyrchion o'r fath ar restr a gynhelir gan yr ASB. Nid yw'r ASB wedi caniatáu diwygiadau i'r rhestr i adlewyrchu newidiadau i gynhyrchion, fel newid enwau, gan y byddai hyn yn eu gwneud yn gynhyrchion newydd, ac felly'n anghymwys i'w cynnwys ar y rhestr.

Mae'r ASB yn cydnabod y gallai busnesau CBD ddymuno ailfformiweiddio eu cynhyrchion mewn ymateb i'r dystiolaeth newydd a gyhoeddwyd gan y Pwyllgorau Cyngori ar y Cyd mewn perthynas â'r cymeriant dyddiol derbyniol dros dro o 10mg/dydd o CBD ar gyfer ffurf bur ? 98% CBD a'r terfyn uchaf diogel o 70 µg/dydd ar gyfer ?9-THC mewn bwydydd.

Mae'r ASB bellach yn argymhell bod cynhyrchion yn cael eu hailfformiweiddio yn unol â thystiolaeth y Pwyllgor Cyngori ar y Cyd. Bydd y dull hwn yn ei gwneud hi'n haws i fusnesau gyd-fynd â'r canllawiau diweddaedig, a bydd yn rhoi mynediad i ddefnyddwyr at fwy o gynhyrchion CBD sy'n bodloni terfynau a argymhellir gan yr ASB. Gall cynhyrchion nad ydynt yn cael eu hailfformiweiddio ar y cam hwn aros ar y rhestr, hyd nes y clywir am ganlyniad y cais bwyd newydd y mae eu cynhyrchion yn gysylltiedig ag ef.

Dylai busnesau sydd â chynhyrchion ar y rhestr ddilyn y camau hyn:

1. Ystyriwch a yw ailfformiweiddio i leihau lefelau CBD a/neu ?9-THC i fodloni ein cyngor yn bosib neu'n briodol ar gyfer eich cynnyrch/cynhyrchion.
2. Os nad yw'r ailfformiweiddio yn newid manylion y cynnyrch ar y rhestr, nid oes rhaid i chi gysylltu â'r ASB.
3. Os oes angen diwygio manylion y cynnyrch ar y rhestr o ganlyniad i'r ailfformiweiddio, cysylltwch â'r ASB gan rannu'r wybodaeth isod.
4. Diweddarau deunydd pecynnu, gan nodi y gallai [deddfwriaeth bwyd](#) arall fod yn berthnasol wrth ail-labelu neu ailbecynnu.
5. Bydd yr ASB ond yn diweddarau'r rhestr at ddibenion cefnogi diogelwch defnyddwyr. Bydd y rhestr yn cael ei diweddarau bob pedwar mis, neu pan fydd angen newidiadau mawr.

Os yw'n berthnasol, cysylltwch â ni gyda'r wybodaeth ganlynol:

- rhif eich cais a rhif CBDID y cynnyrch
- y diweddiadau angenrheidiol i fanylion y cynnyrch ar y rhestr (hynny yw, newidiadau i enw'r cynnyrch er mwyn adlewyrchu swm y CBD neu'r newid o ran y cyflenwr). Gweler yr enghraifft yn y tabl.
- cadarnhau mai am resymau diogelwch yn unig y mae'r ailfformiweiddio a nodi eich rhesymeg.

Tabl 1: Enghraifft i ddangos pa wybodaeth i'w chyflwyno er mwyn gofyn am newidiadau i fanylion cynnyrch ar y rhestr

Rhif adnabod CBD	Rhif RP	Enw'r gwneuthurwr, y cyflenwr neu'r cynnyrch	Gwelliant arfaethedig i'r cofnod	Cadarnhau y cafodd y cynnyrch ei ailfformiweiddio am y rhesymau diogelwch a amlinellir
------------------	---------	--	----------------------------------	--

cbdidxxx	RPxxx	Olew CBD 20 mg	Olew CBD 10 mg	Ydw, rwy'n cadarnhau y cafodd y cynnyrch ei ailfformiwleiddio i newid o 20 mg i 10 mg am y rhesymau diogelwch a amlinellwyd ac nad oes unrhyw newidiadau eraill i'r cynnyrch/cynhyrchion.
----------	-------	----------------	----------------	---

Cyngor i fusnesau ar y rhestr o gynhyrchion CBD sy'n gysylltiedig â cheisiadau bwyd newydd nad ydynt yn mynd rhagddynt mwyach

Pwysig

Diweddariad ar y polisi symud ceisiadau

Gall busnesau ofyn am newid y rhestr gyhoeddus er mwyn galluogi symud cynnyrch o un cais i'r llall. Byddwn dim ond yn ystyried ceisiadau am gynhyrchion sydd ar y rhestr gyhoeddus ar hyn o bryd sy'n gysylltiedig â cheisiadau nad ydynt yn mynd rhagddynt mwyach. Bydd yr Asiantaeth Safonau Bwyd (ASB) ond yn ystyried ceisiadau am gynhyrchion sydd ar y [rhestr gyhoeddus](#) ar hyn o bryd sy'n gysylltiedig â cheisiadau nad ydynt yn mynd rhagddynt mwyach. Gallai hyn gynnwys ceisiadau annilys neu geisiadau a dynnwyd yn ôl, neu ymgeiswyr a oedd yn destun penderfyniad awdurdodi negyddol gan y Gweinidog o ganlyniad i asesiad diogelwch amhendant.

Beth yw symud cynnyrch?

Mae symud cynnyrch yn golygu bod newid wedi'i wneud i gynnyrch ar y rhestr gyhoeddus o gynhyrchion CBD, gan newid y cynnyrch i gais sy'n mynd rhagddo sy'n bodloni manyleb a defnydd y cynnyrch. Gall ymgeiswyr symud eu cynhyrchion ar y rhestr gyhoeddus o gynhyrchion CBD i gais arall sy'n dal i fynd rhagddo. Pwrpas symud yw caniatáu i gynnyrch aros ar y rhestr gyhoeddus CBD drwy baru ei fanylion â chais sy'n mynd rhagddo.

Cais i symud

Rhaid i fusnesau gadarnhau bod eu cynnyrch yn bodloni manyleb y cais amgen a'i fod yn cydfynd â'r defnydd arfaethedig a nodir yn y cais. Rhaid i'r ymgeisydd cofrestredig hefyd ddarparu tystiolaeth fod cytundeb priodol ar waith gyda pherchennog y cais amgen. Efallai y bydd yr ASB yn gofyn am ragor o wybodaeth i sicrhau bod y cynhyrchion yn addas i'w symud.

Bydd pob cais i symud yn cael ei adolygu fesul achos. Er mwyn gallu ystyried symud cynhyrchion ar y rhestr gyhoeddus o gynhyrchion CBD, rhaid i'r cynnyrch fodloni manyleb y cais sy'n mynd rhagddo a'r defnydd arfaethedig a nodir ar ei gyfer. Er enghraifft, pe bai cais ond yn gofyn am awdurdodiad yn y categori ychwanegion bwyd, ni fyddai'r ASB yn derbyn symud cynhyrchion o gategoriâu bwyd eraill i'r cais hwn.

Yn achos ceisiadau nad ydynt yn mynd rhagddynt mwyach (er enghraifft os yw'n annilys, wedi'i dynnu'n ôl neu heb ei awdurdodi), bydd yr ASB yn ymgynghori â gweithredwr y busnes sy'n gysylltiedig â'r cais hwnnw i ddysgu a ydynt wedi dod o hyd i gais addas sy'n cwmpasu manyleb a defnydd ei gynnyrch. Bydd yr ASB hefyd yn ymgynghori â gweithredwr y busnes ynghylch amserlenni cyn pennu cyfnod rhesymol i gyflwyno'r wybodaeth angenrheidiol i gefnogi cais i wneud newidiadau i'r rhestr.

Os nad yw digon o wybodaeth yn dod i law i gefnogi cais i wneud newidiadau i'r rhestr gyhoeddus o fewn yr amser penodol, bydd y cynhyrchion yn cael eu nodi fel rhai sydd wedi'u tynnu oddi ar restr gyhoeddus o gynhyrchion CBD, a disgwylir i fusnesau dynnu'r cynhyrchion oddi ar y farchnad.

Bydd manylion cynnyrch yn cael eu cadw rhag ofn y bydd busnesau'n darparu gwybodaeth yn ddiweddarach sy'n dangos bod modd cysylltu eu cynnyrch â defnydd addas. Bydd y wybodaeth hon yn cael ei hadolygu cyn gwneud penderfyniad ynghylch ailychwanegu'r cynhyrchion.

Sut i wneud cais i symud

Cyn gofyn am symud, mae'n rhaid i fusnesau wirio gyda deiliad y cais bod eu cynhyrchion yn bodloni'r fanyleb a'r defnydd bwriadedig. Rhaid iddyn nhw hefyd geisio cytundeb yr ymgeisydd. Rhaid anfon ceisiadau i symud i CBDPublicList@food.gov.uk.

Wrth ofyn am gael symud, mae'n rhaid i fusnesau ddarparu:

- cadarnhad wedi'i lofnodi gan y busnes bod y cais amgen yn cwmpasu manyleb a defnydd y cynhyrchion sy'n symud
- cadarnhad wedi'i lofnodi gan berchennog y cais amgen, yn cadarnhau ei fod wedi gwirio'r cynhyrchion a'u bod wedi'u cynnwys o dan fanyleb a defnydd ei gais – mae'n rhaid i hyn gynnwys rhif cynhyrchion rheoleiddiedig (RP) y cais
- rhestr o'r cynhyrchion sy'n symud, gyda rhifau CBDID
- manylion unrhyw waith ailfformiwleiddio sydd ei angen
- manylion unrhyw ddiweddariadau sydd eu hangen i gofnod y cynnyrch ar y rhestr gyhoeddus

Yr hyn a fydd yn digwydd nesaf

Bydd yr ASB yn adolygu eich cais ac yn rhoi gwybod i chi a ellir cymeradwyo'r newidiadau.

Nid yw cais i symud yn gwarantu y bydd yn cael ei gymeradwyo. Gall yr ASB ofyn am ragor o wybodaeth cyn gwneud penderfyniad.

Y camau nesaf

Mae'n rhaid i bob busnes sydd â chynhyrchion ar y rhestr wirio bod y cais sy'n gysylltiedig â'u cynhyrchion yn cwmpasu'r mathau o gynhyrchion, y defnyddiau a'r manylebau iawn.

Labelu cynhyrchion ar y rhestr am resymau diogelwch

Anogir gweithredwyr bwyd anifeiliaid anwes ar y rhestr i labelu cynhyrchion i arddangos ein [cyngor presennol i ddefnyddwyr](#), tra bod eu cais bwyd newydd cysylltiedig yn mynd rhagddo, gan gynnwys datganiad o'r cymeriant dyddiol derbynol o 10mg/dydd ar gyfer CBD. Bydd hyn yn helpu defnyddwyr i wneud dewisiadau gwybodus.

Efallai y bydd angen diweddarau unrhyw newidiadau i labeli er mwyn cydymffurfio â manyleb unrhyw awdurdodiad yn y dyfodol o geisiadau yn y gwasanaeth awdurdodi cynhyrchion i'w rhoi ar y farchnad.

Rhaid i weithredwyr busnesau bwyd hefyd sicrhau bod cynhyrchion CBD wedi'u labelu yn unol â'r gofynion labelu cyffredinol a nodir yn [Rheoliad \(EU\) Rhif 1169/2011](#).

Rydym yn annog bod labeli'n cynnwys:

- Nodyn gyda'r geiriau: 'The maximum acceptable daily intake (ADI) of CBD for an adult is 10 mg per day. If you consume a CBD product that has an individual serving of 10 mg/day, only one product type per day should be consumed to ensure the ADI is not exceeded. Multiple intakes of products containing CBD on the same day should be avoided.'
- Swm (neu faint) y CBD fesul dogn.

- Nodyn i ddweud nad yw'n addas i bobl o dan 18 oed.
- Nodyn i ddweud nad yw'n addas i fenywod sy'n feichiog neu'n bwydo ar y fron, nac ar gyfer dynion a menywod sy'n ceisio beichiogi.
- Nodyn i ddweud os ydych chi'n cymryd unrhyw feddyginiaethau neu os oes gennych chi system imiwnedd gwan, y dylid siarad â gweithiwr gofal iechyd proffesiynol cyn defnyddio'r cynnyrch hwn.

Canllawiau ar gynnal treialon blasu ar gyfer bwydydd newydd

Os ydych yn cynnal treial blasu yn y DU, dylech gyfeirio at y [canllawiau ar gynnal treialon blasu bwyd newydd](#) a ddiweddarwyd yn ddiweddar er mwyn sicrhau nad yw'r treial yn gyfystyr â rhoi bwyd newydd heb ei awdurdodi ar y farchnad yn anghyfreithlon.

CBD a chanabinoidau rheoledig

Rhaid i gynhyrchion bwyd CBD sy'n cynnwys canabinoidau rheoledig fod yn gynhyrchion eithriedig fel y'u diffinnir yn ôl [Rheoliadau Camddefnyddio Cyffuriau 2001](#). Mae'n debygol y bydd cynhyrchion bwyd nad ydynt wedi'u heithrio sy'n cynnwys cannabinoidau rheoledig yn gyffuriau rheoledig anghyfreithlon o dan [Ddeddf Camddefnyddio Cyffuriau 1971](#) na ellir eu cyflenwi, eu cynhyrchu, eu mewnfario, eu hallfario na meddu arnynt fel arfer, ac eithrio o dan drwydded cyffuriau rheoledig y Swyddfa Gartref. Dylid cyfeirio cynhyrchion CBD nad ydynt yn gynhyrchion eithriedig at yr heddlu er mwyn iddynt gymryd camau priodol.

Anogir gweithredwyr busnesau bwyd yn gryf i adolygu [taflen ffeithiau trwyddedu cyffuriau'r Swyddfa Gartref ar ganabis, CBD a chanabinoidau eraill](#). Mae'r daflen ffeithiau hon yn rhoi canllawiau ar y mesurau rheoli domestig, gan gynnwys trwyddedu ac eithriadau sy'n gymwys i ganabis, CBD a chanabinoidau rheoledig o dan ddeddfwriaeth cyffuriau (sef, Deddf Camddefnyddio Cyffuriau 1971 a'r ddeddfwriaeth eilaidd gysylltiedig).

Os oes gennych chi unrhyw gwestiynau am y canllawiau hyn, cysylltwch â CBDPublicList@food.gov.uk